

BECA ASTURIAS DE LITERATURA ASTURIANA EN RESIDENCIA

BASES DE LA CONVOCATORIA 2022:

1 OXETU:

Esta convocatoria tien por oxetu afitar les bases reguladores qu'establez la Residencia Literaria 1863, en colaboración cola Consejería de Cultura, Política Llingüística y Turismu d'Asturies, pa impulsar la **Beca Asturias de literatura asturiana en residencia**. Esta beca va soportar una residencia de creación lliteraria en llingua asturiana o eonaviegu n'A Coruña, realizada por un escritor o escritora n'activo, pa una duración d'un mes ente'l 1 y el 31 d'avientu del 2022.

2. FINALIDÁ:

La **Beca Asturias de literatura asturiana en residencia** tien como finalidá l'apoyu, promoción y estímulo de la creación lliteraria en llingua asturiana o eonaviegu, potenciando'l so desenvolvimientu creativu col mayor rigor y escelencia. Proporcionar a los y les escritores nestes llingües un espaciu, un tiempu, un contestu y unes condiciones ideales pa la dedicación dafechu al so propiu proyectu de creación lliteraria, ye tamién l'oxetivu d'esti programa.

3. PLAZU DE PRESENTACIÓN Y PERIODU D'APLICACIÓN:

Les solicitúes pa llograr la **Beca Asturias de literatura asturiana en residencia** habrán presentase hasta'l día 15 de setiembre del 2022 a les 22:00 h (hora española). Desque s'escueya y anuncie la persona a quien se concede esta beca, esta va disfrutar de la mesma a lo llargo del mes d'avientu del 2022 de manera improrrogable o inaplazable. Anque nun ye obligatoriu usar la totalidá de los 31 díes, el o la candidata escoyida ha llegar necesariamente a Galicia a primeros d'esi mes y marchar a la fin del mesmu (nun s'almiten llegaes o salíes a metá de mes).

4. REQUISITOS DE LES PERSONES SOLICITANTES:

Pue participar nesta convocatoria individualmente cualquier escritor o escritora en llingua asturiana o n'eonaviegu mayor de dieciocho años y que tenga polo menos un llibru publicáu.

5. FINANCIACIÓN:

Esti programa de Residencia Lliteraria incluye una beca de treslláu y agospedamientu –a lo llargo d'un mes– na Residencia 1863 d'A Coruña (Galicia – España) y cuenta col soporte de la Dirección Xeneral de Política Llingüística de la Consejería de Cultura, Política Llingüística y Turismu d'Asturies.

Asitiada nel corazón d'esta histórica ciudá gallega, constituye la residencia un apartamentu construyíu en 1863 (año que marca'l *Rexurdimento* de la Lliteratura Gallega), remocicáu dafechu pa facilitar la máxima concentración y inspiración nel trabayu lliterariu. Revistida de muries centenaries de piedra, vigues de castañal y suelu hidráulico, la Residencia 1863 ta a dos

portales d'onde naciere la Real Academia Gallega de la Llingua y a pocos pasos d'onde tamién residieron Emilia Pardo Bazán, Rosalía de Castro o Pablo R. Picasso. Allugada na principal vía histórica de la ciudá dende dómina romana, xusto en frente del Teatru principal y la Biblioteca Provincial, tien vistes al mar y espaciu de trabayu, salón, cocina, biblioteca, cuartu y bañu, amás de conexones wifi, ethernet y USB, electrodomésticos y toles comodidaes pa una estancia autosuficiente pal periodu de disfrute de la beca. Amás, va ponese a disposición del o de la beneficiaria un eventual serviciu básicu de llimpieza.

Amás de la estancia, va sufragase'l tresporte dende cualquier puntu d'Asturies hasta A Coruña a la persona becada, y va entregase la cantidá de 800 € en conceptu de gastos de mantención pa esi mes.

Esta beca en residencia pa escritores en llingua asturiana o n'leonaviegu va tener apareyada polo menos una presentación pública del trabayu lliterariu del beneficiariu/a, na ciudá d'A Coruña.

Otra manera, la persona becada va tener accesu prioritariu a museos, galeríes, biblioteques, conciertos, visites guíes, recitales poéticos, alcuentros lliterarios, obres de teatru y otros eventos na ciudá, que tien una vida cultural rica y diversa.

6. PRESENTACIÓN DE PROYECTOS Y FORMALIZACIÓN DE SOLICITÚES:

Pa solicitar la **Beca Asturias de lliteratura asturiana en residencia**, en concurrencia competitiva, cada escritor o escritora va poder presentar namás un proyectu de creación lliteraria en llingua asturiana o n'leonaviegu.

Les solicitúes han incluyir estos apartaos:

- **Datos personales:** nome y apellíos, seños, teléfonu, mail de contactu y fecha de nacencia. Fotocopia del documentu d'identidá o cédula de residencia de la persona solicitante (.jpg o .pdf).
- **Curriculum Vitae** o **Bio-bibliografía** redactada en dos folios como máximu.
- **Memoria de PROYECTU:** Descripción del proyectu lliterariu que piensa desenvolvese a lo llargo de la beca en Residencia, con indicación del xéneru lliterariu, llingua, sinopsis o tema/es principales, estructura, forma, estilu, tonu, destinatariu y/o cualquier otru detalle que dexa al comité de valoración facese una idea lo más aproximada posible del plan creativu que va siguise.

Esta memoria de proyectu lliterariu, que habrá ser dafechamente orixinal y inéditu, nun va poder pasar en nengún casu de los dos folios d'estensión (en .doc, .docx o .pdf).

- **Dossier lliterariu:** Documentu qu'ha contener pieces o fragmentos lliterarios anteriores (publicaos o non) capaces a actuar como muestra representativa del trabayu lliterariu del o de la solicitante. Esti documentu nun pue superar los diez folios (en .doc, .docx o .pdf).
- **Carta de motivación** pa solicitar esta Beca Asturias de lliteratura asturiana en residencia, de non más d'un foliu d'estensión (en .doc, .docx o .pdf). Desde preparaos toos estos documentos, han mandase nun únicu e-mail a la direcció electrónica: 1863coruna@gmail.com, primero de les 22:00 h del día 15 de setiembre del 2022. Los mails han indicar nel 'asuntu' estos datos: "Beca Asturias en Residencia + Nome del solicitante"

En casu de nun recibise tola información enantes detallada de forma completa, va desestimase la solicitú de participación, quedando descartada de la convocatoria.

7. SELECCIÓN Y CRITERIOS DE VALORACIÓN:

Los proyectos presentaos van sometese a un procesu de selección por un Comité de valoración designáu pola Residencia Literaria 1863 en collaboración cola Dirección Xeneral de Política Llingüística del que van formar parte profesionales de prestixu na cultura asturiana, quien van escoyer a la persona becada, amás d'a un o una suplente inmediata pal casu de cancelación.

El comité de valoración va escoyer el proyectu que considere más interesante y merecedor de la beca en residencia, depués d'evaluar:

- l'esfuerzu por una mayor y más ambiciosa calidá artística, la busca de la escelencia lliteraria, orixinalidá y innovación.
- la coherencia, rigor y viabilidad del proyectu.
- el compromisu y la responsabilidá creativa detrás de les intenciones del proyectu.
- el CV, trayectoria y dossier lliterariu del o de la solicitante.
- la contribución de la beca en residencia al desenvolvimientu creativu del o de la solicitante, de manera que constituya una oportunidá valiosa de la que saque la máxima productividá, estímulu y inspiración.

8. RESOLUCIÓN Y PUBLICACIÓN DEL RESULTÁU DE LA CONVOCATORIA

Desque'l comité de valoración evalúe les solicitúes, va formulase la propuesta d'elección, debidamente xustificada. Axudicada asina la **Beca Asturias de lliteratura asturiana en residencia**, va notificase a la persona escoyida –y al so suplente pal casu de cancelación– enantes de que termine'l mes de setiembre de 2022 y na dirección electrónica que facilitare.

Van entendese desestimaes les solicitúes presentaes que nun s'acueyan a les bases poles que se resuelve esta convocatoria. Nun va tenese correspondencia colos o coles solicitantes que queden fuera de la selección final.

9. OBLIGACIONES DE LOS O LES BENEFICIARIES:

Les persones que, nos años sucesivos, resulten beneficiaries d'esta convocatoria van tener la obligación de xustificar la inversión de la beca teniendo de cumplir estes obligaciones:

- Comunicar per escrito, nel plazu de diez díes de magar se comunique la concesión de la **Beca Asturias de lliteratura asturiana en residencia**, l'acceptación de la mesma y de les bases que la regulen. De nun facelo, entiéndese qu'arrenuncia a la plaza, pasando a concedese a la persona suplente escoyida con esi propósiu.
- Destinar la estancia na Residencia Literaria 1863 d'A Coruña a afondar na so escritura lliteraria na llingua señalada, siguiendo –lo más fielmente posible– el proyectu descritu na memoria presentada cola solicitú.

- Presentar a la Residencia Literaria 1863 –nel plazu de quinze díes cuentaos dende'l fin de la Residencia– el resultáu del trabayu realizáu a lo llargo de la beca. Esi frutu ha representar polo menos un 50 % de lo formulao na Memoria del Proyeutu en forma y estensión, lo que –si llega'l casu– va ser testificao pol Comité de valoración.
- Aceptar y cumplir l'alcuertu que va rexir l'usu correctu de les instalaciones de la Residencia, de forma respetuosa, amañosa y responsable, y a lo llargo del periodu que se marcó. Nun va permitise la presencia de familiares, acompañantes nin tampoco animales de compañía na residencia, que s'entiende destinada al desenvolvimientu concentráu del trabayu creativu del escritor o escritora. De la mesma manera, la persona becada ha ser daqué conscientemente capaz a residir solu/a y con autonomía, nuna vivienda de les característiques apuntaes, pel espaciu d'un mes.
- Presentación d'una memoria final curtia (máximu 200 palabres) que valore la esperiencia disfrutada, el so estímulo y posible impulsu al propiu trabayu lliterariu, capaz a orientar a solicitantes futuros/es. Habrá mandase al corréu electrónicu mentáu dende cinco díes antes a quinze díes depués del fin de la residencia.
- Si, nel futuru, el trabayu lliterariu desenvueltu na Residencia llega a publicase, ha facese constar que la creación de la obra foi impulsada gracias a la **Beca Asturies de lliteratura asturiana en residencia** convocada pola Residencia Literaria 1863 d'A Coruña (Galicia – España) en collaboración cola Dirección Xeneral de Política Llingüística de la Consejería de Cultura, Política Llingüística y Turismu d'Asturies.

10. FINANCIACIÓN DE LA BECA:

Los billetes d'autobús o dietes de tresporte hasta y dende A Coruña –a fin del disfrute de la beca en Residencia– han tener una única entrada y salida y nun han tar a otu nome qu'al de la persona becada. La Residencia Literaria 1863 va ponese en contactu col beneficiariu/a y les preferencies de feches exactes (d'avientu) y horarios qu'esti/a espresen pal so desplazamientu van tratar de respetase. La persona becada va cuntar con un serviciu personal de recoyida na estación y/o bienvenida a A Coruña.

La Dirección de la Residencia Literaria 1863 va entregar al beneficiariu/a una cantidá mensual de 800 €, que va tar destinada a los gastos de mantención y caltenimientu básicu.

11. PUBLICIDÁ Y PROMOCIÓN:

A lo llargo del tiempu de la residencia, la dirección de la mesma va poder sacar semeyes y/o realizar vídeos que documenten la realización del trabayu del escritor o escritora, la so estancia creativa y eventos lliterarios en Galicia. Nesi sentíu, les persones beneficiaries ceden los sos derechos d'imaxe sobre les mentaes semeyes y/o videos sacaos col so consentimientu, con fines namás de divulgación y promoción, tanto de la residencia lliteraria como de la mesma beca en residencia, y ensin ánimu d'arriquecimientu, autorizando'l so usu.

Finalmente, y tocante a la protección de datos en xeneral, quien participen nesta convocatoria acepten que los datos personales facilitaos en virtú de la mesma puedan incorporase a los ficheros de calter personal de los organizadores con cuenta de poder xestionar la beca en residencia.

Los derechos d'accesu, rectificación, cancelación y oposición van poder exercese unviando un corréu electrónicu dirixíu a la Residencia Literaria 1863.

12. OBSERVACIONES:

La concurrencia a esta beca supón l'aceptación total d'estes bases. Pa cualquier dulda concreta referida a esti programa de Residencia, puen dirixise a yolandacastano@hotmail.com.